

Ўзбекистон ва Озарбайжон ташқи ишлар вазирлари телефон орқали суҳбатда бўлажак қўшма тадбирларнинг ташкилий масалаларини муҳокама қилдилар

Ўзбекистон Республикаси Ташқи ишлар вазири Абдулазиз Камиллов бугун Озарбайжон Республикаси Ташқи ишлар вазири Жайхун Байрамов билан телефон орқали мулоқот қилди, деб хабар бермоқда «Дунё» АА.

Ўзбекистон Республикаси Ташқи ишлар вазирлиги хабарига кўра, вазирлар турли даражаларда бўлажак икки ва кўп томонлама, жумладан Ўзбекистоннинг МДХда раислиги дорисда кўзда тутилган тадбирлар жадвали ва бошқа ташкилий масалаларни кўриб чиқдилар.

Ташқи сиёсат идоралари раҳбарлари коронавирус пандемияси келтириб чиқарган янги ҳолатларга қарамай, Ўзбекистон-Озарбайжон икки томонлама алоқалари фаол ривожланиб бораётгани, товар айланмаси жорий йилнинг январидан июлигача 163 фоизга ўсганини алоҳида таъкидладилар.

Томонлар Ўзбекистон Республикаси ва Озарбайжон Республикаси ўртасидаги ҳамкорлик бўйича қўшма ҳукуматлараро комиссия фаолиятини тиклаш бўйича келишувга эришдилар.